



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<26>> հոկտեմբերի 2018թ.

Ո Ր Ո Շ ՈՒ Մ No. 3934/14-ՂԵ

Ջկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով <<Սուրնալուս-Շին>> ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<Սուրնալուս-Շին>> ՍՊԸ-ի (ՀՎՀՀ 09418847, հասցե՝ ՀՀ Սյունիքի մարզ ք. Կապան Վաչագան բանավան 7, պետ. գրանցման համարը՝ 27.110.01363) <27> սեպտեմբերի 2018 թվականի դրությամբ չկատարված հարկային պարտավորությունը կազմել է 2.844.871 դրամ, որից ապառք՝ 735.814 դրամ, տույժ՝ 1.690.867 դրամ, տուգանք՝ 418.190 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <28> սեպտեմբերի 2018 թվականին ընկերության տնօրենը Հայաստանի Հանրապետության հրապարակային ծանուցումների պաշտոնական ինտերնետային կայքի միջոցով պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացրել և նշվածի վերաբերյալ որևէ բացատրություն չի տվել:

ՀՀ ՊԵԿ իրավաբանական վարչության պետի կողմից 20.06.2018 թվականին կայացվել է թիվ 1176/14-Ա որոշումը <<Սուրնալուս-Շին>> ՍՊԸ-ից 17.199.910 դրամ գանձելու մասին, որի մեջ ներառված է եղել ավելացված արժեքի հարկ՝ 15.016.977 դրամ (ապառք՝ 4.294.857 դրամ, տույժ՝ 2.881.278 դրամ, տուգանք՝ 7.840.842 դրամ), եկամտային հարկ՝ 2.182.933 դրամ (ապառք՝ 530.164 դրամ, տույժ՝ 1.652.769 դրամ): ՀՀ ՊԵԿ հարկային մարմինների գանգատարկման հանձնաժողովի որոշման և մասնակի վճարումների արդյունքում նշված որոշմամբ պարտքի մնացորդը կազմում է 1.466.557 դրամ, որից եկամտային հարկ՝ 1.466.557 դրամ (տույժ՝ 1.469.557 դրամ):

Շահութահարկի գծով 635.639 դրամ (տույժ՝ 217.449 դրամ, տուգանք՝ 418.190 դրամ) պարտավորությունն առաջացել է ՀՀ ՊԵԿ ՓՀՎ ՀՏՎ ստուգումների թիվ 14-րդ բաժնի 05.06.2018 թվականի թիվ 3000322 ստուգման ակտից, որը սույն գործով գանձման ենթակա չէ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **742.675 դրամ**, որից՝

ավելացված արժեքի հարկի գծով պարտավորությունը կազմում է **339.146 դրամ**, որից ապառք՝ 337.375 դրամ, տույժ՝ 1.771 դրամ, որն առաջացել է 2018 թվականի օգոստոս ամսվա ավելացված արժեքի հարկի և ակցիզային հարկի միասնական հաշվարկից և ՀՀ հարկային օրենսգրքի 401-րդ հոդվածով հաշվարկված տույժերից:

եկամտային հարկի գծով պարտավորությունը կազմում է **316.400 դրամ**, որից ապառք՝ 311.764 դրամ, տույժ՝ 4.636 դրամ, որն առաջացել է 2018 թվականի օգոստոս ամսվա եկամտային հարկի և սոցիալական վճարի ամսական ամփոփ հաշվարկից և ՀՀ հարկային օրենսգրքի 401-րդ հոդվածով հաշվարկված տույժերից:

ռեզիդենտի շահութահարկի պարտավորությունը **68.235 դրամ**, որից ապառք՝ 67.879 դրամ, տույժ՝ 356 դրամ, որն առաջացել է 2018 թվականի 3-րդ եռամսյակի ռեզիդենտի շահութահարկի կանխավճարից և ՀՀ հարկային օրենսգրքի 401-րդ հոդվածով հաշվարկված տույժերից:

սոցիալական վճարի /ամսական/ գծով պարտավորությունը կազմում է **18.894 դրամ**, որից ապառք՝ 18.796 դրամ, տույժ՝ 98 դրամ, որն առաջացել է 2018 թվականի օգոստոս ամսվա եկամտային հարկի և սոցիալական վճարի ամսական ամփոփ հաշվարկից և <<Կուտակային կենսաթոշակների մասին>> ՀՀ օրենքի 71-րդ հոդվածով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված

հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների

գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառնել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<Սուրնալուս-Շին>> ՍՊԸ-ից գանձել 742.675 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Handwritten signature in blue ink.

Ա. ՄՆԱՅԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. և/կամ յուր. և/կամ անուն ազգանուն

ամսաթիվ

Կատարող՝ ԻՎ ՀԳ քաժին,

գլխավոր մասնագետ Մ.Մաթևոսյան

հեռ.0285-4-19-84